

八世祖諱團府君實錄

八世祖諱團宋開州刺史大夫諱競之子也太宗朝
厯官參將領兵勤王以功封威武將軍加侯職晉封
信國公食邑三千戶卒於京享壽八十二歲勅葬紫
金山有軍人守墓諡英烈公配夫人九元配王次劉
周程常楊黃毛鮑生子十一球明清洪恭茂槐慶宗
壽秀惟秀生最晚義門莊業時已分定諸兄集議於
福壽寺各退莊田一分斂攏成莊給秀管理遂改福
壽寺爲斂田寺先是鮑夫人隨公畱京公卒後塑公
像與秀奉回入斂田寺享祀名曰斂田神後因世亂

移入都天神案至今香火弗替云

論曰公承忠厚之遺爲朝廷倚重當時勲業必有歷歷可觀者乃生徒著其名沒難詳其實數典者不能無遺恨矣然至今數百餘載而窮鄉僻壤婦孺知名以視彪炳史冊者何如也又况廟享千秋祀降萬姓所謂盛德之後必百世祀者公其庶幾矣